

ქ. თბილისი

„14“ „მარტი“ 2019წ

ერთის მხრივ, სსიპ-ბირთვული და რადიაციული უსაფრთხოების სააგენტო (შემდგომში - „შემსყიდველი“) წარმოდგენილი მისი უფროსის მოვალეობის შემსრულებელის ნოდარ ნადირაშვილის სახით და მეორეს მხრივ შპს „აუტო ტექ“ (შემდგომში „მიმწოდებელი“) წარმოდგენილი მისი დირექტორის ბესიკ მექვაბიშვილის სახით, სსიპ-ბირთვული და რადიაციული უსაფრთხოების კუთვნილი 5 (ხუთი) ერთეული ავტოსატრანსპორტო საშუალების შეკეთებისა და ტექნიკური მომსახურების (მიმწოდებლის მასალებით) (CPV50112000) სახელმწიფო შესყიდვის მიზნით, 2019 წლის დაფინანსების ფარგლებში, სახელმწიფო შესყიდვების კანონის და მიმწოდებლის სატენდერო წინადადების საფუძველზე, SPA190000966, ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს ხელშეკრულებით გათვალისწინებული მომსახურების გაწევას.
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „დანართი N2“ - SPA190000966 გამარტივებული ელექტრონული ტენდერის სატენდერო დოკუმენტაციის ტექნიკური დავალებითა და დანართებით გათვალისწინებული მომსახურებისა და პირობების ჩამონათვალი, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

ხელშეკრულების საგანს წარმოადგენს სსიპ-ბირთვული და რადიაციული უსაფრთხოების კუთვნილი 5 (ხუთი) ერთეული ავტოსატრანსპორტო საშუალების შეკეთებისა და ტექნიკური მომსახურების (მიმწოდებლის მასალებით) (CPV50112000) სახელმწიფო შესყიდვა (შემდგომში-მომსახურება), სატენდერო დოკუმენტაციით გათვალისწინებული დანართების პირობებისა და მოთხოვნათა შესაბამისად.

3. ხელშეკრულების ღირებულება

- 3.1 მომსახურების ღირებულება შეადგენს 20000,00 (ოცი ათასი) ლარს და მოიცავს ხელშეკრულებით გათვალისწინებულ მომსახურებასთან დაკავშირებულ „მიმწოდებლის“ მიერ გაწეულ ყველა ხარჯს და საქართველოს კანონმდებლობით დადგენილ ყველა სახის გადასახადს.

3.2 მსუბუქი ავტომობილების, მაღალი გამავლობის ავტომობილებისა და სპეციალური ტიპის ავტომობილის სათადარიგო ნაწილისა და შესაბამისი მომსახურების ფასები მითითებულია ხელშეკრულების დანართში N1, (პრეისკურანტი) რომელიც წარმოადგენს მის განუყოფელ ნაწილს.

4 ხელშეკრულების შესრულების კონტროლი

4.1 ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს მიმწოდებლის მიერ ნაკისრი ვალდებულებების შესრულებაზე.

4.2 ხელშეკრულების მიმდინარეობის კონტროლის მიზანს წარმოადგენს:

4.2.1 მომსახურების მიწოდების ვადებისა და პირობების ხელშეკრულების მოთხოვნებთან შესაბამისობის დადგენა;

4.2.2 მიწოდებული მომსახურების ხარისხისა და მოცულობის კონტროლს - ხელშეკრულების მოთხოვნებთან, მომსახურების ჩამონათვალთან და ხელშეკრულების ტექნიკურ დავალებასთან შესაბამისობის დადგენა, გაწეული მომსახურების შესახებ მიღება-ჩაბარების აქტის გაფორმება, მიმწოდებლის მხრიდან ხელშეკრულებით ნაკისრი ვალდებულებების შესრულების ან შეუსრულებლობის შემთხვევაში შესაბამისი ინსპექტირების დასკვნის შედგენა.

4.3 ხელშეკრულების შესრულების კონტროლს ახორციელებს სსიპ-ბირთვული და რადიაციული უსაფრთხოების სააგენტოს მიერ შრომითი ხელშეკრულებით დასაქმებული პირი გია მოთიაშვილი.

5. გასაწევი მომსახურების ტექნიკური დავალება

გასაწევი მომსახურების აღწერა და პირობები მოცემულია დანართში N2 (ტექნიკური დავალება) ხოლო ავტომობილების ჩამონათვალი მოცემულია დანართში №3. დანართი N2 და დანართი N3 წარმოადგენს ამ ხელშეკრულების განუყოფელ ნაწილს.

6. მომსახურების გაწევის ადგილი, პირობები და ვადები

მომსახურების გაწევის ადგილი, პირობები და ვადები მოცემულია ხელშეკრულებაზე თანდართულ დანართებში.

7. მიღება-ჩაბარების წესი

7.1 მომსახურების მიღება დასტურდება მხარეთა შორის მიღება-ჩაბარების აქტის გაფორმებით.

7.2 შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება სსიპ-ბირთვული და რადიაციული უსაფრთხოების სააგენტოს მიერ შრომითი ხელშეკრულებით დასაქმებული პირი გია მოთიაშვილი..

7.3 იმ შემთხვევაში თუ, მიწოდებული მომსახურება შეესაბამება ხელშეკრულების პირობებითა და დანართებით გათვალისწინებულ მოთხოვნებს, ხელშეკრულების 7.2. პუნქტით განსაზღვრული პირი მიღება-ჩაბარების აქტის საფუძველზე ახორციელებს მომსახურების მიღებას, ხოლო თუ მომსახურების მიწოდების პროცესში გამოვლინდება, რომ მიწოდებული მომსახურება არ აკმაყოფილებს ხელშეკრულების პირობებით გათვალისწინებულ მოთხოვნებს, ხელშეკრულების 7.2. პუნქტით განსაზღვრული პირი ადგენს შესაბამის ინსპექტირების დასკვნას, ხოლო შემსყიდველს უფლება აქვს არ მიიღოს ნაკლოვანი მომსახურება და მოსთხოვოს მიმწოდებელს საკუთარი ხარჯით გამოსწოროს ნაკლოვანი მომსახურება.

7.4 მიმწოდებლის მიერ შესრულებულ ყველა მომსახურებასა და შეცვლილ სათადარიგო ნაწილზე ვრცელდება გარანტია სატენდერო დოკუმენტაციის ტექნიკურ დავალებაში მითითებული საგარანტიო პირობების შესაბამისად.

8. ანგარიშსწორება

8.1 ანგარიშსწორება მიმწოდებელთან განხორციელდება ეროვნულ ვალუტაში, უნაღდო ანგარიშსწორების ფორმით, ფაქტიურად მიწოდებული მომსახურების ღირებულების შესაბამისად.

8.2 ანგარიშსწორება განხორციელდება მიმწოდებლის საბანკო რეკვიზიტებზე.

8.3 ანგარიშსწორება მიმწოდებელთან განხორციელდება მხარეთა შორის გაფორმებული მიღება-ჩაბარების აქტის, წარმოდგენილი საგადასახადო ანგარიშფაქტურისა (იმ შემთხვევაში თუ მიმწოდებელი დღგ-ს გადამხდელია) და სხვა დოკუმენტების საფუძველზე.

8.4 ანგარიშსწორება მიმწოდებელთან განხორციელდება ამავე მუხლის 8.3 პუნქტის შესაბამისი დოკუმენტების წარმოდგენიდან 10 (ათი) სამუშაო დღის განმავლობაში

9. მხარეთა ვალდებულებები

9.1. მიმწოდებელი ვალდებულია:

9.1.1. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

9.1.2. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.1.3. უზრუნველყოს შემსყიდველის მიერ გამოვლენილი დეფექტებისა და ნაკლოვანების აღმოფხვრა საკუთარი ხარჯით, ხელშეკრულების 4.3 პუნქტით გათვალისწინებული პირის მოთხოვნიდან დაუყოვნებლივ (განსაკუთრებულ შემთხვევებში გონივრულ ვადაში).

9.2. შემსყიდველი ვალდებულია:

9.2.1. ხელშეკრულების პირობების შესაბამისად უზრუნველყოს გაწეული მომსახურების ღირებულების ანაზღაურება.

9.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.2.3. დაიცვას ხელშეკრულებით გათვალისწინებული ყველა პირობა.

10. მხარეთა უფლება

10.1 მიმწოდებელს უფლება აქვს:

10.1.1 ხელშეკრულების პირობების შესაბამისად მოითხოვოს გაწეული მომსახურების ღირებულების ანაზღაურება.

10.2 შემსყიდველს უფლება აქვს:

10.2.1 აწარმოოს მიმწოდებლის მიერ ხელშეკრულებით ნაკისრი ვალდებულებების კონტროლი.

10.2.2 განაცხადოს უარი უხარისხო მომსახურების მიღებაზე.

11. ფორს-მაჟორი

11.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების გაწევისათვის აუცილებელი საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს

ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12. ხელშეკრულების პირობების და ფასების გადასინჯვა

12.1. თუ რაიმე წინასწარ გათვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.2. საქართველოში მოქმედი კანონმდებლობით გათვალისწინებული პირობების არსებობისას, ხელშეკრულების ჯამური ღირებულების გაზრდა დასაშვებია არაუმეტეს ხელშეკრულების ჯამური ღირებულების 10%-სა.

12.3. ხელშეკრულების პირობების ნებისმიერი ცვლილება უნდა ფორმდება წერილობითი ფორმით ხელმოწერილ იქნება მხარეების მიერ და ჩაითვლება ხელშეკრულების განუყოფელ ნაწილად.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

14. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 3 სამუშაო დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

15. ხელშეკრულების პირობების შეუსრულებლობა

15.1. მიმწოდებელი კისრულობს პასუხისმგებლობას:

15.2. ხელშეკრულებით ნაკისრი ვალდებულებების შეუსრულებლობის, არასრულად ან არაჯეროვნად შესრულების შემთხვევაში, მიმწოდებელი ჯარიმდება ხელშეკრულების ჯამური ღირებულების 2% ოდენობით.

15.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

15.4. იმ შემთხვევაში, თუ ხელშეკრულებით ნაკისრი ვალდებულებების შეუსრულებლობისათვის დაკისრებული პირგასამტეხლოს ჯამური თანხა შეადგენს ხელშეკრულების ღირებულების 4%-ს, მეორე მხარეს უფლება აქვს შეწყვიტოს ხელშეკრულება.

16. ხელშეკრულების შეწყვეტა

ხელშეკრულება შეიძლება შეწყდეს:

16.1. მხარეთა შეთანხმებით;

16.2. ხელშეკრულების 15.4. პუნქტით გათვალისწინებული პირობის არსებობისას;

16.3. საქართველოს მოქმედი კანონმდებლობით გათვალისწინებულ სხვა შემთხვევებში.

17. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს 2020 წლის 31 იანვრის ჩათვლით.

18. განსაკუთრებული პირობები

18.1 ხელშეკრულება შედგენილია 3 ეგზემპლარად და თითოეულ მათგანს თანაბარი იურიდიული ძალა აქვს;

18.2 ხელშეკრულების 2 ეგზემპლარი ინახება შემსყიდველთან, ხოლო 1 ეგზემპლარი მიმწოდებელთან.

19. მხარეთა რეკვიზიტები

შემსყიდველი:

სსიპ „ბირთვული და რადიაციული

უსაფრთხოების სააგენტო“

მის: ქ. თბილისი, გ. გულუას ქ. N6

საიდენტიფიკაციო კოდი: 204585564

მიმღები ბანკი: სახელმწიფო ხაზინა

მიმღების დასახელება:

ხაზინის ერთიანი ანგარიში

ბანკის კოდი: TRESGE22

ტელ: 591 40 40 12



ნოდარ ნადირაშვილი
სააგენტოს უფროსის
მოვალეობის შემსრულებელი

მიმწოდებელი:

შპს „აუტო ტექ“

ს/კ 400178053

იურ. მის: ქ. თბილისი, გლდანის მე-3მ/რ 79ბ კორპ. 109ბ

ბანკი: სს „თიბისი ბანკი“

კოდი: TBCBGE22

ა/ა GE68TB7813536080100002

ტელ: 599 904 604

ბესიკ მექვაბიშვილი
დირექტორი